

田井冰寄廬漫錄

康爵輯

畊冰寄廬漫錄

康爵修其纂

宋末文天祥過涵江訪鄭學士頤吉於港頭會里中建社公為書
新有社三字屢經兵火墨蹟猶新見莆田縣志至明末港頭有鄭
雲錦者以明經起家歷任灵山合浦知縣左州橫州知州清兵破
橫州雲錦被執絕粒七日不死幽閉三年始就義作馬上吟從西
山義士遊詩以見志見寒文集又陸秀夫奉衛王至楓亭取蔡氏
女為次室生子崖山殉國蔡氏以別時衣冠招魂葬於莆田嵩山
山見福建續志至明末楓亭有林三友者由進士起家官光祿署
丞京師陷虜于賊拷掠備至賊敗南還唐王用為僉都御史事敗
累家入海終身不仕見福建通志鄭林二公一則從容就義一則
遁跡遠引動草疾風爭先志乘足見前賢足跡所經未始不為節

義之一助也

莆俗出嫁女子其父母已歿者每年中元節送祭禮于其家謂之送紙其礼至女子歿而止最久者亦不過外孫一世耳惟邑東門鄭孝子炳文自滇南尋父歸嫡妻已逝廷尉碧洲程公嘉孝其以弟南洲次女妻之其送紙之礼至今不替蓋程公賢鄭公之孝兩家後人永存此典以為門閥光也

會稽趙彥真一名彥能慶元中由袁州通判陞與仁軍知軍未及到郡而卒縣志職官表無其人見陸放翁撰趙公墓志

處州陳葵字叔向由進士任莆田主簿攝縣尉以獲盜加應加官嘆曰彼罪且死而吾利之耶又主簿緣故例掌僧租僧遺簿未有定數囊山一寺至六十石陳至一扣絕之縣志職官表不載其人事見葉水心所撰墓志蓋乾道紹熙間人也

黃斌卿有瓷杯一名浮光高幾二寸面除一規唇缺半米每一注酒則珠光上浮朝紅夜白如沐日浴月明季黃守瀟州瀟亂使人脅至日本乞師日本不受未幾黃死此杯不知何屬周容春酒堂文集有浮光杯記尹文煒終上遺聞集錄亦記其事李文蘭字秋舫通光諸生善西字題詞多用古字能詩詩草亦間以古文書之因學紀聞載宋景文云吾友楊備得古文尚書釋文讀之大喜於是書訊刺字皆用古文僚友多不之識秋舫蓋本於此

莆田有石類端州可硯見王勝村漫遊紀畧

清初莆中以技名者郭無疆之寫照江緝侯之談星吳平子之古篆姚朝士之測景儀器皆一時絕藝亦見漫遊紀畧

林貞蕭鐵門扇詩鄭王佳甫風清籟集所載於元氣深吐納句下

接推蓬見巫峰、哀猿响相答二句錢謙益列朝詩集則為風搜群
竅、開水樹、声互答、推蓬暫此清、巫山事什皆四句、錢於貞甫年代
為近、鄭則鄉里後進、當各有所本、殊難斷定也、

乾隆三十七年開四庫全書館、徵求天下書籍、事成、命詞臣撰四
庫全書總目提要、二百卷、其中列吾莆先正遺書、合著錄、全目計
之凡一百又四部、書目浩繁、不及備舉、惟攷其異同者、數條揭之、
著衍及之、鄭杓提要稱為羅源著、板橋什記宮閨小名、後永之余
懷提要稱為閩县人、二人皆為莆籍、邑志有志載之、提要所稱不
知何所本、著琴堂諭俗編之鄭至道、提要不著里貫、著淙山讀易
記之方實孫、提要云不知何許人、攷有志鄭至道、元豐二年進士、
方實孫、慶元五年進士、皆莆人也、提要特未之攷耳、著三因極一
病症方之陳言、乃宋時括蒼人、見直齋書錄解題、著周礼補亡之

邱葵乃元時晉安人見千頃堂書目提要皆系籍莆邑實提要之誤元方瀾之叔因遺稿當時亦有紀錄見四庫簡明目錄而提要不載其書實提要之闕至泉州歐陽詹仙遊蔡襄提要皆書原籍然詹與林藻兄弟讀書莆田南山死葬廣化寺北襄居莆南門外蔡宅遺集名莆陽居士集二人著作收入莆田可也按宋柘耕致涂海屏書稱本朝四庫收書全闕百部許耳莆有三十餘部在其

中此蓋指著錄者而言其存目所不計也

按四庫總目提要世所行者有二本一為阮文達刊本一為武英殿聚珍^本阮本乃發文瀾閣藏本鈔刊與閣書多符合者聚珍本為館中初稿迨編錄改定後有所增益兩本稍有出入余所據者為翻刻阮本

陳秋河太守雲章莆東陽人聚書不下五萬卷築清遠堂以儲之

後燬于火聞當火時秋河適赴友人宴初報家大秋河談笑自若
繼報殃及清遠堂秋河神色驟變急奔回焚香籲天曰願保藏書
他物所不惜又遣人極力搬運所損無多蓋性命視之

甫人旅遊鷺門見廈志寓賢傳者六人一鄭郊值明季閩變避難

入廈門清介博雅出入方巾布衣與里人鄭慕生義門王肖槐交

善弟却字奚仲亦負氣節見鷺江志一曾世衮明季破產聚師兵潰邈

居嘉禾手不釋卷日夕吟詠感事怀人流連三嘆繼以涕淚尋以

憂憤死見經許國海山集序一周金湯永明王開鎮晉爵丁酉從桂林出倉

門航海未履與紀石青輩盤桓吟咏者幾兩載尋同御史徐孚遠

間通入滇後死節於粵見石青遺稿一許璟明季以進士起家應官皆

有平寇功以疾歸卒於廈見東平紀畧一郭尚先主講玉屏書院以善

教稱林煜明季諸公皆名登邑乘然在廈事蹟不載故錄之

○
莆陽陳泰初紹熙中知薺縣重修經綸閣經綸閣者慶厯間王文公宰薺有惠政縣治建閣以紀遺愛殆於元祐再吳于紹興淳熙至是廢壞陳又新之樓鑰記其事謂陳公此舉將以表先正仁民之效慰父老甘棠之思而示後日循吏之勸一舉而三善具非直為觀美而已也見玫瑰集

莆語有云手指頭伸出有長短喻事物不能一致按曲洧舊聞建隆間竹本務監官患所積材植長短不齊乞剪截俾齊整太祖批其狀曰汝手足指寧無長短乎莆語蓋本於此

莆人校書者明代得三人焉一黃少卿肇正德間自京師歸過建寧太守張公瑞訪得真西山文集圖梓行付少卿為之讎校越年張去二守姜夢賓節推季明德促成之見黃公撰序一林尚書文後嘉靖七年錦衣衛千戶沈麟奏准校刊史書初以祭酒張邦奇

等司其事。張遷去。祭酒林文俊繼之。乃克進呈。見黃佐南雍記。梓
刻本末條。按傳本南監廿一史。每史題校刊姓名。均不及文俊。然
文俊實與有功焉。一柯郎中維熊。嘉靖間金台汪諒得宋刻史記。
託郎中徧求別本。參互攷訂。兩歲始就。維熊自跋云。信者正疑者
缺。蔑敢苟焉耳矣。甘泉鄉人稿云。史記明刻本。集解索院正義皆
備者。以震澤王氏莆田柯氏本為善。見丁未丙善本書室藏書志。
莆多丈人。校刊之書。當不止此。余特舉其所知耳。

陳振孫安吉人。字伯玉。號直學。寶慶三年。以倅攝吳化軍知軍。周
密癸辛什志載。近年惟直學陳氏書最多。蓋嘗仕於莆。傳錄夾漈
鄭氏方氏林氏吳氏舊書至五萬一千一百八十餘卷。且仿讀書
志作解題。極見精詳。云。攷莆志載鄭寅藏書數卷。方略作依萬卷。
樓儲書千二百笥。方漸積書數千卷。鄭樵堂就讀焉。方崧卿藏書

四萬卷林寔聚書數千卷又莆風清籟集載吳叔告歸田後築書樓于丈光嶺又直冬書錄解題中采鄭夫滌著書十餘種引用鄭寅鄭氏書目亦多按略崇寧進士漸重和進士寔政和進士松鄉隆興進士熊紹興中人時代皆在振孫為郡之先叔告寅皆端平中人與振孫治郡同時其傳錄者當是此數家所藏惟書錄解題中載番陽什志一卷莆田借李氏本錄之又載藏六堂書目一卷為莆田唐江王後人藏書又載集選目錄二卷莆田李氏有此書又載武元衡集一卷初用莆田李氏本傳錄又後魏國典三十卷從莆田劉氏借錄是當時供鈔者尚有李氏劉氏兩家焉唐殿中侍御史林藻字緯乾善書宣和書譜云林藻行書姦約豐妍出入智永之域董其昌容臺集云林緯乾書學平原蕭疏古淡無虞褚輩妍媚之習其墨跡傳世者有珠慰帖曾入宣和御府

元時流落民間李侗張仲壽黃中敬邵亨負袁華張適輩皆有跋
見郁逢慶書函題跋記明時此帖歸吳江史明古後為吳龍安所
得李東陽文徵明跋之李跋見書函題跋記文跋見莆田集清時
楓江袁氏五硯樓藏有涂慰帖刻石石質類碧玉不知何人手鐫
袁氏家落後歸於揚州江氏康山草堂江後負齋課籍沒石遂入
官不知何在見葉廷琯吹網錄藻弟邵州刺史蘊字復夢師於盧
肇子弟安期後得肇授撥鐙法從此書日進見書史會要

宋鄭漁仲有一硯徑八寸廣半之厚三寸許有三乳底鐫夾漈草
堂四字左鐫元祐右篆公名皆模後有椎鑿迹清時由西江土著
掘地出之為裘漫士尚書所得適文達紀公續修通志尚書因以
贈之文達刻銘硯左曰惟其書之傳乃傳其硯鬱陶乎余心匪物
之玩硯右又有邵闇各銘之曉楓受詔續通志漫士先生以夾漈

舊硯贈之。閻谷居士為之銘曰：墨鋪班班，閱人幾觚。稜剝缺字不
毀，夫際有灵，式憑此六百年後，待吾子時。乾隆丁亥正月，吾鄉鄭
遠芳孝廉曾登紀丈達之堂，獲觀此硯，有夾漈草堂硯詩，載用拙
居存稿。後福州梁荏林中丞過揚州，購得之，於歸田鎖記中紀其
事。

元甫陽方濬字叔淵，阮居吳中，閉門讀書，授徒自給，喜吟咏，有叔
淵遺稿一卷。四庫脩書時曾進呈著錄，總目提要反遺之。惟四庫
簡明目衆之，凡五言詩四十二首，蓋至元後已罕。樊士寬所鈔存
非其全也。然此本有顧嗣立名印，又有点勘甲乙之處，知嗣立選
元詩時所見亦止此本。按此四庫所收者為鈔本也。又丁松生善
本書室藏書志載鈔本元人小集十二卷，書法秀逸，頗可觀覽。中
有叔淵遺稿一卷，是丁氏所藏亦止鈔本也。後宣統三年，番禺沈

宗崎刻晨風閣叢書據舊欽本采入又附錄朱德潤次方叔淵先生自趙屯田歸城中韻五言古詩一首刻為一卷至是始有刻本傳世其晨風閣叢書中又有後村別調一卷補遺一卷亦吾邑先正劉克莊著作也

莆人余懷字澹心一字無懷號曼翁又號曼持老人生於明季僑居江寧嘗賦金陵懷古詩王漁洋以為不減劉賓客著述甚富縣志藝文志闕而不載惟省志載有硯林一卷宮閨小名後錄一卷板橋雜志三卷秋雪詞一卷研山堂集味外軒稿等書按研林一卷刻入昭代叢書中板橋雜志三卷刻入龍威秘書昭代叢書金陵叢刻說鈴等書中宮閨小名後錄一卷尤西堂刻之四庫脩書時與板橋什志同進呈其餘秋雪詞研山堂集味外軒稿三書則未聞有刻本惟昭代叢書合刻中有茶史一卷檀几叢書中有婦

人鞵韞攷郭大理遺稿中有東山談苑八卷跋劉猷廷廣陽什志載余澹心所著有汗青餘語部帙甚廣皆記明末黨獄事此四書皆澹心著作省志亦闕之又吳梅村集內有海月集序一篇為余澹心作但其稱為一歲紀遊之詩卷頁當不能多或併於研山堂味外軒全集內未可知也

福州梁荅林先生序浦城遺書曰章鉅久慨吾鄉文獻之無徵而後進者表章之不力也自唐黃文江之泉山秀句集宋志即不著錄黃德溫之閩川名士傳前明陳一德猶及見之今則渺不可得云按朱竹垞潛采堂書目第一種有黃滔選閩川秀句集文山為滔字泉山當即閩山是宋志之後清和猶見著錄然潛采堂書目第一種為全唐詩未備書目非竹垞度藏書目亦非竹垞過眼書目虽有著錄而傳本存亡仍難斷定又說郭卷五十八內有閩川

名士傳即德溫所著然說郭体例每書畧存大概不必求全亦有原本久亡而從類書中鈔合其文以備一種者是書雖傳於世究為折本信如梁先生所云文獻無徵可為浩歎但潛采堂書目內又有翁承贊書錦集宏詞前後集徐寅採龍集黃璞集林藻集林蘊集等書至今間有一二傳本說郭內又有蔡襄荔枝譜茶錄鄭厚藝圃折中劉克莊後村詩話鄭杓衍極等書續緝內有鄭瑗蝶笑偶言井觀瑣言宋王荔枝譜等書雖非完全之本而吉光片羽自是可珍先賢遺著浸銷浸亡後進者當有搜存全佚之責毋蹈梁先生表章不力之慨也

今春杭州抱經堂書局發現說郭一部合正續集編刻為順治間周南李際期刊本雖缺卷百零四卷百十九卷百廿三三帙而莆人著作不在所缺之內索值百六十金余以貲故不能致

願邑中有力者亟購之歸俾寒士得寓目焉當以一痴酬之
南城宜秋館刊印宋人集其乙編中有莆陽黃公度知稼翁文集
十二卷附錄一卷蓋據南陵徐氏景宋鈔本吾鄉流傳知稼翁集
祇上下二卷為道光己丑重修本余初疑其残缺不全後閱瞿子
雍鈔琴銅劍樓藏書目錄載影鈔宋本知稼翁集十二卷黃公度
撰其子沃所編凡賦一卷詩六卷文四卷詞一卷末附行狀誌銘
壙銘一卷前有乾通五年陳俊卿序又慶元二年洪邁序詞集有
淳熙戊申曾豐序末有沃跋此從慶元刻本傳錄天啟間裔孫某
得內府本刻衡州者卷分上下即此本也云云按之道光己丑本
陳序洪序曾序沃跋俱在卷中蓋即據天啟本重修第云裔孫某
攷莫友芝邵亭知見傳本書目知稼翁集有天啟乙丑裔孫重澣
刊本當即其人焉

元鄭杓著行極五篇行極記載三篇自倉頡迄元代凡古人篆籀以及書法之變皆在所論劉有定註之四庫收書時從永樂大典中採輯又從別本增入學書次第書法源流二篇合成一書是書寶顏堂秘笈作一卷說郭及續百川學海作二卷十萬卷樓叢書作五卷秘笈余曾見之祇至朴書要造書古學天五五篇無記載亦無劉注餘則於彙刻書目中見其名耳

同治九年古岡劉晚榮刻述古叢書鈔內有芳畧館題跋四卷吾鄉郭三石廷尉所著也廷尉又有郭大理遺稿八卷龍巖魏笛生觀察刻之板已不傳莆中存者祇三二部廷尉去今未遠而遺稿流傳已如鳳嘴麟角無怪前代著作求之更渺不可得矣

莆閨秀吳荔娘危人女也陳蔚聘為旁妻名見袁枚隨園詩話及王蘊章燃脂餘韻著有平坡剩稿一卷附刻陳氏聯珠集中書為